

La gatta chë zë vulévë marëtà

Cë štévë na vota na gatta bèlla, tutta ghianca e tuttë lë gattunë zë la vulévënë spusà, ma essa 'nzë décidéva maië dë 'nzurarzë.

Lë giuvënë gattunë cë gëravënë attuornë e spissë, a la nottë, zë sëntivënë l'allucchë dë la gatta chë lë sëcutavë e chillë dë lë prétëndèntë chë zë pëllicciavënë .

Mò, nu juorne, stancàtasë dë sèntì lë richiamë dë l'amichë suo' chë la 'nvugliavënë a marëtarzë, décidèttë dë piglià maritë.

Z'allisciattë bèllë bèllë u pilë, zë méttèttë nu bèllë fazzulèttë 'ncapë e zë méttèttë a la funèstra all'ora ca tuttë l'anëmaluccë zë rëtëravënë da la campagna.

Passattë nu puorchë, la vèdèttë e la salutattë: - Cummarë gatta chë fai' affacciata a la funèstra? – dicèttë u puorchë. -Faccë l'amorë!- rëspunnèttë la gatta. – E më vuo' a mmé?- addummannattë u puorchë; - E fammë sèntì chë vocia tié?- dicèttë la gatta; – Crù, crù crù!- facèttë u puorchë e cummarë gatta subbètë lë dicèttë – Vattënë, vattënë ca nën sié pë mmé!-.

Dopë nu pochë, passattë nu ciuccë càrèchë dë sciénë e lu stéssë la salutattë: - Cummarë gatta chë fai' affacciatë a la funèstra? - ; - Faccë l'amorë! – rëspunnèttë la gatta. – Më vuo' a mmé? – addummannattë u ciuccë; - e fammë sèntì chë vocia tié? – lë dicèttë la gatta e u ciuccë subbètë facèttë sèntì la vocia so' – ooh, iih ooh, ih ooh! Oh oh oh..- e la gatta pronta dicèttë: - Vattënë, vattënë ca nën sié pë mmé-.

Dopë nu pochë passattë nu canë e la salutattë: - Cummarë gatta chë fai' affacciatë a la funèstra? -, - faccë l'amorë! – rëspunnèttë la gatta: - e më vuo' a mmé? - addummannattë u canë; - e fammë sèntì chë vocia tié? – dicèttë la gatta e u canë subbètë facèttë – bbù, bbù bbàu! -. La gatta prontamèntë rëspunnèttë – vattënë vattënë ca nën sié pë mmé!-.

Ecchë ca passattë allègrë allègrë nu bèllë surgillë e zë fërmàttë sottë a la funèstra, la salutattë: - Bona séra! Cummarë gatta chë fai' affacciata a la funèstra? -; - Faccë l'amorë! – rëspunnèttë la gatta garbatamèntë; - e më vuo' a mmé? – addummannattë u surgillë; - fammë sèntì chë vocia tié? – dicèttë la muscélla e u sorge subbètë zërliattë – zì z' zì! -. La gatta sènza pënzarcë ddù votë lë dicèttë: - Saglië! Saglië 'ngoppë maritë mi'!-.

U sorgë saglièttë 'ngoppë e la gatta subbètë u acchiappattë e u meètèttë dént'r'a la tièlla a cocë e z'u magnattë.

Doppë chë zë l'avèa magnatë, la gatta zë méttèttë nu fazzulèttë nirë 'ncapë e facèa fintë ca chiagnéa u maritë sorgë p'u dutorë.